

REGIONAL NEWS UNIT

ALL INDIA RADIO GANGTOK

BHUTIA NEWS BULLETIN

BROADCAST: 18:50 HRS DATE: 26/06/2024

NEW LOK SABHA SPEAKER

BJP ཚོད་བའི་ MP ལྷ་ཞབས་ Om Birla ལོ་ ད་རིང་ ཐེངས་ 7-པོ་ དབྱུང་གྲོས་ ཚོད་པོ་ མའི་ Lok Sabha ལོ་ གཙོ་འཛིན་ གྲས་ ན་ བཀོ་བཞུགས་ གནང་བོ་ སྤང་། འདི་ དོན་ལས་ Congress ཚོད་པ་ ལོ་ སློང་པོ་ ཨིན་། ད་ཟང་ ཀོང་ རྒྱལ་ལ་ ཐོབ་ མ་ཚུགས་ ཨིན་། འོས་ཤོག་ རྒྱལ་ལས་ སྲིད་སྲོན་ ལྷ་ཞབས་ Narendra Modi ཚེད་པོ་ལབ་དོས་ གྱི་ དབྱུང་གྲོས་ ལྷ་ཞབས་ Rahul Gandhi དང་ གྲོས་ཚོད་ ལས་ འདི་ གྱི་ སློན་པོ་ ལྷ་ཞབས་ Kiran Rijju ཚུ་གྱི་ ལྷ་ཞབས་ Om Birla ལོ་ Lok Sabha གཙོ་འཛིན་ གྱི་ ལྷི་ སང་ཉི་ ཀོ་བོ་ ཨིན་།

འདི་ སློན་ལས་ ད་རིང་ རྩོམ་ཚེད་ ཞོང་ གྱི་ ཚོང་འདུ་ ལྷ་ཞབས་ སྲིད་སྲོན་ དང་ NDA གྱི་ MP 12 གྱི་ ལྷ་ཞབས་ Birla ལོ་ གཙོ་འཛིན་ གྱི་ གྲས་ ན་ བཀོ་བཞུགས་ རྒྱལ་བའི་ གསལ་བཤད་ གནང་བོ་ སྤང་། ཚོད་པོ་ ལབ་དོས་ རོ་ལས་ Siv Sena UBT གྱི་ ལྷ་ཞབས་ Abrindha Sawant, Rastrabhadi Congress Sarat Pawar གྱི་ Supriya Sulay དང་ Samajwadi ཚོད་པོ་ ལས་ Ananda Badhawriya གྱི་ congress གྱི་ འཇུག་མི་ K. Suresh ལོ་ རྒྱལ་རྒྱུར་ གནང་བོ་ སྤང་། ལྷ་ཞབས་ Birla, Lok Sabha གྱི་ གཙོ་འཛིན་ གྲས་ ན་ བཀོ་བཞུགས་ འབྱུང་ཤད་ འདི་ ཐེངས་ 2 པོ་ ཨིན་།

རང་གི་ གསུང་ཤད་ ལྷ་ཞབས་ Om Birla གྱི་ འདེབ་རི་ ཐེངས་ 2 པོ་ གཙོ་འཛིན་ གྲས་ ན་ རྒྱལ་ལས་ གནང་བའི་ གོ་སྐབས་ དང་ ཞོང་ ལོ་ ཡིད་ཚེད་ གནང་ཤད་ ན་ རྩོས་ཚེད་ ལང་འཇུག་མི་ ཐབས་ཅད་ ལོ་ སྤྱུ་རྩེ་ ཆེ་ སི་ རུས་པོ་ ཨིན་། ལྷ་ཞབས་ Birla གྱི་ གསུང་པོ་ སྤང་ གྲོས་ཚོད་ལང་ གྱི་ མཐོང་ དང་ རང་དབང་ རང་ཅན་ ལུགས་གསོ་ ལོ་ མ་ཉམ་ གོང་ལེལ་ གཏོང་ཤད་ འདི་ ཞོང་ གྱི་ སྤྱུ་རྒྱུན་ རང་ལས་ གཅིག་ཨིན་། སྲིད་སྲོན་ གྱི་ ལྷ་ཞབས་ Birla ལོ་ ལེད་གསོ་ གསུང་གཞན་ འདེབ་རི་ ཞོང་ ཐེངས་ 2 པོ་ རྒྱལ་ལ་ ཐོབ་ཤད་ འདི་ ལོ་རྒྱ་ ཅི་ གྱ་ མ་ཨིན་པོ་ རྒྱས་བོད་ ལང་ འོང་མཁན་ ལོ་ 4 སང་ཉི་ ཞོང་ གྱི་ སློབ་བརྟེན་ རང་ཉམ་ གཡོག་རྒྱབས་ཤད་ གྱི་ གསུང་པོ་ སྤང་།

ཚོད་པོ་ ལབ་སློབ་ གྱི་ དབྱུང་གྲོས་ ལྷ་ཞབས་ Rahul Gandhi གྱི་ ཡང་ ལྷ་ཞབས་ Om Birla ལོ་ ལེད་གསོ་ རུལ་མཁན་ གྲོས་ཚོད་ ལང་ འདི་ གྱི་ མི་མང་ ཆབ་ལྷ་ དོ་ ཨིན་པོ་ དང་ གྲོས་ཚོད་ ལང་ གྱི་ གཡོག་ ན་ ཐམས་ཅད་ གྱི་ ཉབ་ཅུབ་ གནང་བའི་ རོ་ཚོ་ གནང་ཡོད་།

CM CONGRATULATED NEW SPEAKER

སློན་པོ་ གཙོ་པོ་ ལྷ་ཞབས་ Prem Singh ལྷ་དམག་ གྱི་ ཡང་ འབྲས་ལྗོངས་ མི་གསེ་ གྱི་ ཆབ་ལྷ་ ཉི་ ལྷ་ཞབས་ Om Birla ལོ་ ཐེངས་གྲ་བའི་ ལོག་ས་བ་ རྩེད་ཨིན་ འབྱུང་མཁན་ ན་ བཀོ་བཞུགས་ བདེ་ལེད་ རུལ་པོ་ སྤང་། ཞོང་ གྱི་ གསུང་པོ་ སྤང་ ལོག་ས་བ་ གྱི་ གཙོ་གྱི་ ཐེངས་ 2-པོ་ འབྱུང་ཤད་ འདི་ ཞོང་གི་ མཛོན་ལྷ་ འདི་ དང་ ཐམས་ཅད་ གྱི་ རི་ཚོ་ ལས་ ཐོན་པོ་ ཨིན་པོ་ འབྲེལ་ཤད་ གནང་བོ་ སྤང་།

CM RETURENED

སློན་པོ་ གཙོ་པོ་ ལྷ་ཞབས་ Prem Singh ལྷ་དམག་ རྒྱལ་ས་ ལྷེ་ལི་ གྱི་ གཟེད་སྐྱོར་ རྒྱལ་ལས་ ད་རིང་ ཚུར་ལོག་ རྩོན་པོ་ ཨིན་། ཞོང་ དབྱུང་གཞུང་ དབལ་འབྱོར་ སློན་པོ་ ལྷ་ཞབས་ Nirmala Sitaraman གྱི་ གཙོ་པོ་ མངའ་ལྷེ་ ལག་གྱི་ སློན་པོ་ གཙོ་པོ་ དང་ འགོ་བཟུང་ བདན་ ཐོན་མཁན་ ཚེད་འདུ་ ལྷང་བྱོན་ བཞུད་པོ་ སྤང་། སློན་པོ་ གཙོ་པོ་ གྱི་ ལྷེ་ལི་ ན་ སྲིད་སྲོན་ ལྷ་ཞབས་ Narendra Modi ལོ་ མཇུག་ལྷུས་ གནང་འདི་ ཐེངས་ 3 སང་ཉི་ ལུ་མཇུག་ སྲིད་སྲོན་ གྱི་ སྤྱུ་རྒྱུན་ བཞེས་ མཁན་ རས་ ལེད་གསོ་ རུལ་གཞན་ འབྲས་ལྗོངས་ གྱི་ ལས་རིམ་ ལུ་ ལྷན་ལེང་ རུལ་པོ་ སྤང་། སློན་པོ་ གཙོ་པོ་ གྱི་ དབྱུང་གཞུང་ སློན་པོ་ གཞན་ལུ་ ལོ་ ཡང་ ཐེབས་གསོ་ གནང་འདི་ སློན་པོ་ ཐོན་ འདི་ སྤྱུ་རྒྱུན་ ས་འབྲེལ་ བཞེས་མཁན་ ན་ ལོག་ས་གསོ་ རུལ་པོ་ སྤང་།

ACCIDENT

